

# GJALDSKRÁ

## fyrir Vatnsveitu Vestmannaeyja.

### Fastagjald.

#### 1. gr.

Fyrir hverja húseign í lögsagnarumdæmi Vestmannaeyja skal árlega greiða vatnsskatt. Þó skal gjald þetta ekki innheimt fyrr en viðkomandi hús getur fengið vatn úr dreifikerfi vatnsveitunnar.

#### 2. gr.

Vatnsskattur skv. 1. gr. skal hlíta eftirfarandi ákvæðum:

- a) Taxti V1 – heimili. Fastagjald kr. 3 145,00 á ári.
- b) Taxti V2 – allt annað húsnæði. Fastagjald 0,16% af fasteignamati, þó verði lágmarksgjald kr. 6,10 á m<sup>3</sup> húss og hámarksgjald kr. 12,21 á m<sup>3</sup> húss.

### Notkunargjald.

#### 3. gr.

Vatnsveitan leggur til vatnsmæla í hvert hús (hverja íbúð) og skal notandi greiða kr. 32,24 fyrir hvern rúmmetra vatns. Notkunar- og fastagjöld innheimta Bæjarveitur Vestmannaeyja á eins eða tveggja mánaða fresti og annast mælaaflestur.

### Vatn til skipa og báta.

#### 4. gr.

Greiðsla fyrir vatn, sem afgreitt er til skipa og báta í Vestmannaeyjahöfn skal vera kr. 78,00 fyrir hvern teningsmetra, og auk þess kr. 560,00 í afgreiðslugjald ef vatnið er afgreitt frá kl. 8.00-17.00 á virkum dögum en kr. 1 120,00 ef afgreiðsla fer fram á öðrum tímum.

Vatn til skipa skal staðgreitt, nema um annað hafi verið fyrirfram samið. Skip, sem fengið hefur vatn afhent, má ekki, að viðlögðum sektum, fara úr höfn fyrr en vatnið er greitt eða um greiðslu hefur verið samið.

#### 5. gr.

Vatnsveitunni er heimilt að ákveða fast árlegt vatnsgjald fyrir skip og báta sem heimahöfn eiga í Vestmannaeyjum eða eru að staðaldri gerð þáðan út. Fellur þá niður vatnsgjald skv. 4. gr.

#### 6. gr.

Fyrir önnur vatnsnot en þau sem að framan eru talin, eða þegar mælingu verður ekki við komið, skal greiða gjald eftir ákvörðun vatnsveitunnar hverju sinni.

### Stofngjöld.

#### 7. gr.

Vatnsveitan sér um lagningu heimæða í hús og setur þar upp vatnsmæla á sinn kostnað.

#### 8. gr.

Fyrir öll hús, sem tengd eru vatnsveitunni, skal greiða heimæðagjald. Heimæðagjald skal vera sem hér segir fyrir hverja heimæð:

Mælastærð	Kr.	Viðmiðunarnotkun:
20 mm	35 406,00	500 tonn/ár
25 mm	37 160,00	1000 tonn/ár
32 mm	40 227,00	1200 tonn/ár
40 mm	48 301,00	2000 tonn/ár
50 mm	57 000,00	3000 tonn/ár

Fyrir mælastærð meiri en 50 mm skal samið sérstaklega hverju sinni. Ofangreint verð miðast við þá viðmiðunarársnotkun sem getið er um fyrir hverja mælastærð. Sé um meiri notkun að ræða skal gjaldið reiknast upp samkvæmt notkunarhlutföllum, þó skal það aldrei vera meira en 1% af fasteignamatsverði húss.

Hafi endanlegt fasteignamat ekki farið fram ákveður vatnsveitan gjaldið hverju sinni.

9. gr.

Ef um sérstaklega langar og kostnaðarsamar heimæðar er að ræða skal húseigandi greiða það sem talist getur umfram eðlilegan kostnað.

10. gr.

Stofngjald samkvæmt ákvæðum þessarar gjaldskrár skal greitt í einu lagi áður en lagning við dreifikerfi vatnsveitunnar er framkvæmd.

11. gr.

Stofngjöld skulu greiðast á skrifstofu Bæjarveitna Vestmannaeyja.

12. gr.

Ef loka þarf fyrir vatnsinntak svo sem vegna þess að notkunar- eða fastagjald hefur ekki verið greitt innan 10 daga frá útsendingu reiknings Bæjarveitna eða stofngjald innan tilskilins frests samkvæmt kröfubréfi eða af öðrum þeim ákvæðum sem tilgreind eru í 10. gr. reglugerðar fyrir Vatnsveitu Vestmannaeyja, skal húseigandi greiða kr. 576,00 opnunargjald áður en endurofnun fer fram.

13. gr.

Bæjarstjórn getur hækkað eða lækkað framantalin gjöld, öll þeirra eða hvert um sig um allt að 50%, án þess að leita þurfi staðfestingar ráðuneytis.

**Fiskiðnaður.**

14. gr.

Bæjarstjórn getur ákveðið sérstaka gjaldskrá fyrir fiskiðnaðinn og aðra vatnsstarfsemi.

15. gr.

Pegar rætt er um fasteignamatsverð í gjaldskrá þessari, er átt við fasteignamat er öðlaðist gildi um áramótin 1979-1980 og fylgir síðan breytingum á fasteignamatinu.

Gjaldskrá þessi, sem bæjarstjórn Vestmannaeyja hefur samið og samþykkt, staðfestist hér með samkvæmt vatnalögum nr. 15 20. júní 1923 til þess að öðlast gildi þegar í stað. Jafnframt er úr gildi felld gjaldskrá fyrir Vatnsveitu Vestmannaeyja nr. 31, 2. febrúar 1982, með síðari breytingum.

*Félagsmálaráðuneytið, 14. janúar 1991.*

**Jóhanna Sigurðardóttir.**

*Húnbogi Þorsteinsson.*